



Ассаламу аьлайкум, дустал

# ХХЯХЖА БАРГЪ

Лакрал райондалул кказит. Ига бакълай 97-сса шин.

12+

«ЗАРЯ»

Нюжмар  
28 август  
2020 ш.

№37

www.zaria-online.ru  
gazetazary@mail.ru

## Райондалул депутатътурал собраниелул сессия

### Бюджетраву дахханашивуртту дурнни

Августрал 20-ний хьунни «Лакрал район» МР-данул райондалул собраниелул сессия. Муний гьуртту хьунни райондалул бак1чи Ю.Мах1аммадов, депутатътурал собраниелул председатель Ш.Щурпаев.



Сессиялий ххалдиргьунни райондалул бюджетраву дан багълагьисса дахханашивуртту. Му масъалалун хасъсса доклад бунни администрациялул финансиртгал отделданул начальник **А.Амирхановал**. Мунил доклад ххалбигълагьисса ихтилатру бунни циняв депутатътурал.

Хьирив собраниелул депутатътурал гъаз бунни цайми масъаларттугу:

-жула райондалий республика 2020 шинал лядуккан дуллалисса хьхьич1унсса проектру бартдигъаврия; -шярваллил хозяйстволул предприятиертгал аьрщи ц1акъ даврия; -райондалийсса образова-

ниелул учреждениерду дазул къат1аллил мазру лахъхьин байсса специалистурал щаллу баврия;

-миллатрал аьдату ц1удуккан даврия; -агъалинан медициналул кумагру баврил даву ххуй даврия; -терроризма лун, экстремизмалун ххуллурду къукьинсса даву чялиш дуккан даврия, личиличисса диннал дянивсса ччаллу бухлаган баврия,

жяматрал мюхчаншиву щаллу даврия, райондалий законну дуручлачисса низам ц1акъ даврия;

-райондалий газрал щаллушинна сакин даврия. К1иц1лавгсса циняв масъаларттан хасъсса х1укмурду бунни. Миннуга жу бусинну кказитрал хьиривми номердай.

### Ах1вал к1юласса кулпатирттан, цивпалусса гражданинтуран

Дагъустан Республикалул зах1матрал ва социальныйну хьхьич1унмай шаврилсса буллалисса Министерство баян булла бур:

«О внесении изменений в Федеральный закон «О государственной социальной помощи» т1исса Федерал закон (25.12.2012ш. №258) биттур даншиврул, 2013 шинал 14-мур ноябрьданий (№586) РД-лул Х1укуматрал къамул бувссия «Об утверждении Положения об оказании государственной социальной помощи малоимущим семьям, малоимущим одиноко проживающим гражданам и иным категориям граждан на основе социального контракта в Республике Дагестан» т1исса х1укму. Мунил бунну социал кумагру бан хьунт1ий бур ялув к1иц1 лавгсса цаятува бияла бакъа ялапар хьун аьркинсса яла ч1ивимур харжираяр чансса дуч1ия ца бак1ран диллалисса инсантуран.

Х1укуматрал социал кумагру байссар гражданинал т1алавшиннах бурувгун цанма-цанману. Мунил лагру хъанахъиссар социал

контрактрал ч1умуву гьарца зуруй булайсса социал пособиалуксса. Му цуппагу (пособие) к1ул байссар РД-лийсса ах1вал к1юласса кулпатирттан ва цувалусса, ах1вал к1юласса гражданиннан оьрму бутан аьркинсса яла ч1ивимур харжлуьгьрал ва ах1вал к1юласса кулпатирттан ва ах1вал к1юласса, цувалусса гражданиннан дуч1айсса дуч1иялул тапаватшиву х1исав дурну.

Ах1вал к1юласса кулпатирттан ва ах1вал к1юласса, цувалусса гражданиннан цал булайсса кумагрул лагру к1ул дайссар социал контрактран бунну дансса давуртту х1исавравун ларсун. мунил лагру ххишала хьун къабуч1иссар гьарца зуруй булайсса социал пособия 3 зуруцал лавсниякссаннуяр.

Цанма х1укуматрал социал кумаг ласуншиврул гражданин уккан аьркинс-

(Ахир 2 лаж.)

## Образование

### Августрайсса совещание - видеоконференция кунна дурнни

Дагъустаннал Х1укуматрал къатраву августрал 20-ний хьунни августрай дайсса образованиелул зузалтрал совещание. Гъашину му дурнни республикалул Бак1чи **В.Васильевлул** каялувшиндарай видеоконференция кунна.

Совещаниелий гьуртту хьунни РФ-лул просвещениелул Министрал заместитель **Е.Толстикова**, РД-лул Халкъунал Собраниелул председатель **Х.Шихсаидов**, РД-лул Х1укуматрал Председатель **А.Здунов**, РД-лул Бак1чинал ва Х1укуматрал Администрациялий каялушиву дуллалима **В.Иванов**, муниципалитетиртгал бак1читал ва УО-рдал начальниктал, м.ц.

Совещание дайдирхьуна РФ-лул просвещениелул Министр **С.Кравцовлул** педагогтурал ва образованиелул зузалтрал хьхьич1 бувсса видеоихтилатрая. Мунал хьирив **Е.Толстикова** дак1нийн бувтуна совещание-

лин бувк1миннан, Аьрасатнал Президент **В.Путинлул** аьмсса образованиелул качестволул чулуха жула билаят дуниялул билаятиртгаву хьхьич1унсса 10-нивун дагъансса ялувбихьу бунну бунушиву ва му - миллатрал мурад хъанахъишиву.

Агъаммур доклад - «Ключевые направления достижения стратегической цели по повышению качества общего образования» бунни РД-лул образованиелул ва элмулул министр **У.Оьмаровал**. Мунил бувсунни ларгсса дуккаврил шинал х1асиллу цукунсса хъуссарив ва ц1усса дуккаврил шинал цукунсса мурадру хьхьич1 бивхьун

(Ахир 2 лаж.)





## Ахвал кюласса кулпатиртан, цивпалусса гражданинтуран



(Дайдихъу 1 лаж.)

сар цува ялапар хъанахъисса кланттайссаагъалий социальныйну буруччаврилсса буллалисса управлениелин. Аьрзалушчал члалачли бан аьркинссар кулпатраву буми, дучлия цуксса дуссарив, цува заллусса, щала кулпат заллусса хъус цуксса дуссарив.

УСЗНдалул зузалт хъирив лаяйссар аьрза буллуманал баян буллалимунил, му инсан ялапар хъанахъисса кланттайн лавгун. Ххалбигъаврин буну яла дучлин дайссар гражданиншал хъусса ихтилатраясса члалпив, микку чичайссар кулпатрал цуцлу кланттурдая, захлатгшиврува буккансса чаранная ва м.ц.

Яла сакин дайссар ахвал кюласса кулпат, ахвал кюласса, цувалусса гражданин социал контрактрал члумуву социальныйсса адаптациялин уцинсса программа.

Хлукуматрал социал кумаграл хахливу социал контрактрайн бувсса арцул кумаг лавсманан му ишла бан

бучлиссар анжагъ социал контрактрайн буну дансса давурттан. Мунишала цува заллусса хозяйство гьарта дан, хъузала хъайстволун, ичлаллил ризки машан ласун, цувалу заллусса ишбажаранчишиву дачин дан, дуккаврил луттирду, аьркинмур ласун, къатри ремонт бан ва цлусса бан ва м.ц.

Мунишала баян буллалиссар мискиншиву духлаган дан кумаг байсса ярагъ социал контракт духьукун, му мюнпат буну дачин даншиврул, захлатгсса тагъарданин багъми чан баншиврул, ахвал кюласса кулпатран, ахвал кюласса, цувалусса инсаннан, даву дакъа ливчлминнан бувчлин баврил даву гужлан дан аьркиншиву. ЦЗН-далин даву дакъаминнал сияхлрайн ласун бувчлминнашал цачлуну зун аьркинссар.

Вай бигарду биттур хъуншиврул хладур дан аьркинссар информациялул материаллу (брошюрарду, буклетру, памяткарду ва м.ц.).

Хласил, социал контрактрайн буну хлукуматрал байсса социал кумагирдая ахвал кюласса кулпатиртан, ахвал кюласса, цивпалусса гражданинтуран балжину бувчлин бансса ххуллурду бачин бан буржлувссар агъалий социальныйну буруччаврилсса буллалисса къуллугъру.

**М.Казиев,**  
министрнал зам.

### Комиссия даврих

## Инсаннан нигъачлаву къадиклавлрил цланий

Нанисса шинал августрал 25-ний райадминистрациялуву хъунни «Лакрал район» МР-данучласса ххуллурдай апатлру, нигъачлавлртту къашаврил масъалартгалсса буллалисса комиссиялул батлаву.

члаву къадиклавлрил цланийсса буржлув бавуртту биттур баврия.

Мунишлун бавхлуну мил-



латрал цлусса стандартру, багътагъалтрал ххуллурду аьркинсса даражалин буцаврия, хаснува школарттал, цайми дуккаврил идарттал чларавсса, ххуллурдайх занаврил сакиншиндарал комплекс схемарду даврия.

Ихтилат бумма **М.Макъсудов.**

Батлавлрий гьуртту хъунни ххуллурдайх транспортрай заназиминнан, ва ххуллурданнан нигъачлаву къадиклавлрих зузисса райондалул комиссиялул члентал (**Ю.Х.Махлмаммадов, Ю.М.Макъсудов, М.С.Рамазанов (МВД), Х.М.Аьбурагъимов (МВД), Э.М.Р.Сулайманов (ДЕП-24), Аь.Д.Дибиров, Аь.М.Маждов (ЖКХ), Я.М.Хлмзаев, Б.Ж.Гъазаева, Н.У.Хлсанов, М.М.Мусалаев, Т.Аь.Ахлмадов** шяраваллал администрациярдал баклчитал, цаппара идарттай каялушиву дайми.

Комиссиялий ххалбивгъунни 5 масъала.

1.2020 шинал 25-мур августрайн бияннинсса члумуву райондалул ххуллурдай транспортрай апатлру шав-

рил тагъардания.

Ихтилат бумма **А.Чавтараев,** МВД-лул «Лакский» отделданул зузала.

2.Райондалул шяраваллусса автомобильлал ххуллурдал тагъар комиссиялул чулуха ххалбигъаврил хласиллая ва дусса диялдакъашивуртту цлусса дуккаврил шин дайдишиннин ва бувчлавлртту хъуннин духлаган даврия. Ихтилат бумма **А.Чавтараев.**

3.Кинттул ххуллурдай микл къабишинсса затурттал ми щаллу баврия ва ххуллурдай ччех биклавлрищал талатаврия. Ихтилат бумма **Э.Сулайманов.**

4.2015 шинал февральданул 25-ний Аьрасатнал Президентнал бувсса, ххуллурдайх занавриву нигъа-

5. «Об утверждении Правил перевозки организационных групп детей автобусами, предусматривающего запрет перевозок детей на транспортных средствах со сроком эксплуатации более 10 лет» -тлссса Аьрасатнал Хлукуматрал 2013 шинал 17-мур декабрьданий бувсса хлукмулул тллавшинну биттур даврия.

Масъала аьч бумма УО-рал начальник **Я.Хлмзаев.**

Ахирданий комиссиялул къамул бунни гъазхъусса масъаларттуту, дусса диялдакъашивуртту духлаган даврил цланийсса хлукму.

Комиссиялий хъусса ихтилатирттая гьартану чичинну кказитрал хъиривми номердай.

## Августрайсса совещание - видеоконференция кунна дурнни

(Дайдихъу 1 лаж.)

буссарив. Цила ихтилатраву мунил бувсунни образованиелул давривусса циняв масъалардая ва республикалул педагогтурахъ барчаллагъ кунни пандемиялул шпурттуву миннал дурсса даврихлу.

У.Оьмаровал бувсунни, ктира шинал мутталай РД-лул Минобрнаукилуца бовхъушиву федерациялул бюджетрава дучлан дан 16,3млр- кьуруш. Миннува-ту 15,6млрд кьуруш -57 детсад ва 22 школа бан.

-Сентябрьданул 1-ний жува тлитинтлссар образованиелул 10 объект, укунни мунил, -280 клану бусса детсад ва 2295 оьрчл дуклансса урчлва школа. Шинал ахирданиннгу зузи бантлссар 9074 оьрчл дуклансса 33 школа ва 8560

клану бусса 58 детсад.

Мунил бувсунни, оьрчлан цифрардал образование дулайсса «IT-куб» центрдал сетьгу гихуннай гьарта хъунтлшиву, шяраваллавусса школардаву «Точка роста» тлссса цифрардал ва гуманитарный образованиелул центрду чляву хъунтлшиву. Мукумма сакин бантлий бушиву пишалул усттаршиврул Центр ва педагогтурал квалификациялун кымат бищайсса Центр. Миннуву сакин дантлссар педагогтурал пиша лябуккан бансса шартлру.

Образованиелул качество ларай даврия гьалгъа тлий, У.Оьмаровал бувсунни гъашинусса ЕГЭрдал хласиллая ва Щалагу Аьрасатнаву ххалбигъавуртту дуллалисса давурттая.

-Дуклусса шинал хласил-



лайн буну, 400-ния ливчусса школардал тлайдакъбасса хласиллу ккаккан дурну ляркъунни, -укунни мунил. -Мукумсса организациярдаллссса даву жу даххана дуллай буру. Хладур дуллай дуссар комплексный программа, «Оьрус маз» тлссса программалуха лархъхъусса. Шанна шинал мутталай му программа бартдигълай, хласиллу ххуйсса хъунни: ЕГЭ-

лул дянивусса балл 51-ния 65-нийн бивунни. 100 балл лавсми 11-ная 30-найн бивунни. Члявусса баллу лавсмигу 1748-ная 2043-найн бивунни. Гъашину ВПР дантлссар сентябрьданий.

Хасъсса къулагъас У.Оьмаровал дурнни республикалий дачин дурсса ктира агъамсса проектрах: «Земский учитель» ва «100 школа». Ванил бувсусса куццуй, республикалий яла-яла биял къахъанахъими бур инглис мазрал, математикалул ва оьрус мазрал учительтал. Дуклу бовхъунни миннаяту 50 учитель биял бан, гъашину -150. Вамур проектрай гъашину бакъин бунни 136 школа. Федерациялул бюджетрава арцу дучлан дурну, ххуй дуллай бур 125 школалийсса шартлру: гъили баву, щиндишаву, канализация даву. Школардайсса 10 шинаял ххисшаласса хлаллай ишла буллалисса автобусру цлу буллай, дуклу машан лавсун бур 140 автобус, гъашину -

ялагу 25 автобус.

В.Васильевлул мунил доклад хъинчулий ккаккунни ва махъ буллунни аьркинсса кумаг буллан.

Совещаниелий ихтилатру бунни Роспотребнадзорданул РД-лийсса Управлениелий каялушиву дуллалисса Н.Павловлул (санитариялул - эпидемиологиялул шартлругу дуручлай, дарсру дихълахъаврия), РД-лул экономикалул ва территория лядуккан даврил министр Хл.Султановлул («100 школа» проект бартдигъаврия), МВД-лул ва МЧС-рал вакилтурал (террорданин ва пожардайн къарщисса мюхчаншиву дуруччаврия), Табасараннал райондалийсса математикалул земский учитель М.Саидовлул («Земский учитель» проектраву цува гьуртту хъанахъисса опытрая) ва цайминнал.

**Образованиелул ва элмулул министерство.**



Клицилавгсса операция лахьи лавгун бур шин ва шанма зуруй, яни 450-ксса гьантлий. Му операциялул буссар клива бутла: 1) немецнал аьрал гьужум бувну най бивкисса (1942 шинал июльданул 25-ния декабрьданул 31-нин); 2) совет аьралуннал махъунмай гьужум бувсса (1943 шинал январьданул 1-ния октябрьданул 9-нин).

Кавказ клунттихьхун ласунсса Гитлердул къаст обнин дуккан дурссар Ятлул Аьралуннал ва совет халкъуннал (хъунмурчин - кавказнал республикардай хъанахъисса). Ми талатавурттаву жанну харж дурссар тамансса лакрал арамтуралгу.

Навт буккайсса клантурду бусса Кавказ клунттихьхун ласаврин фашистурал хъуннасса агьамшиву дуллай бивкун бур. 1942 шинал Украиннаву Полтава шагьрулий июнь зуруй совещание дуллай, Гитлердул куну бур: «Агар жуцава къабюхъарча Майкопрайсса, Грозныйливсса ва Бакуйсса лухли навт клунттихьхун ласун, жунма дяьви къуртал бан багъантиссар!»

Ростоврая ялавайми совет аьралу ххит бувну, Ухсавнил Кавказ клунттил бугьансса «Эдельвейс» тлисса операциялул архлал душманнан чай бивкун бур Тблиси, Кутаиси, Сухумигу клунттихьхун лавсун, Лухли хъхьирил флотрал базардугу бугьан.

1942 шинал июльданул 26-ний душманнал солдатътал ва техника Дондалих лахълан бивкун бур. Гай хъинну хладур бувсса, гуж ххисса буну, жуламиннаца дайшишру дан къабюхъуну, фашистал анаварну Ставрополлачлан, Майкопрачлан ва

Бюхттулсса Ххувшаврин - 75 шин

## Кавказ буручлачисса талатавуртту

Буттал клантул цланисса Хъунмасса дяьвиллий ца яла лахьи лавгун дяьвилул операция хъуссар Кавказ душманная буручлачисса операция. Жувагу Кавказнавусса ца республикалий яхъанай бухъувкун, му операциялия клуну бивкун аьркинссар жунмагу.



Туапселучлан гьан хъанан бивкун бур.

Хъинну къызгъинсса талатавуртту дайдирихун дур августрай Кавказнал Хъунмур ссирттил дянивгу. Немецнал анаварну дургьуну дур Эльбрусая баргълагавал чулухсса лахъазантту. Амма, Ятлул Аьралуннала цала чулуха гьужумру буллай, немецнан цивппа мюхчан хъанан багъну бур.

Дяьвиллий гьарца кланай душмантал ххув хъанахъисса, Харьковгу, Ростовгу немецнал клунттихьхун лавгсса ппурттуву, Гитлердун Бакуйнал лухли навтличлан цанма ххуллу тливтлусса кунма члалачли бувну бивкун бур, Сталинградгу цала клунттихьхун бучлансса ххай

бивкун бур дяьвилун аьркинсса промышленностьрацал. Гитлердул аьралуннал клунттихьхун ларгун дур авадансса шяраваллил хозяйстволул районну Дондалучла, Кубаннай, Таманнал бачлижазиралий.

1942 шинал ссутнил дянивугу Ятлул Аьралуннаца бювхъун бур га ппурттувусса агьаммур мурад бартбигьин-грозаннал ва бакуйнал лухли навтличлан немец итакъабакьин. Амма, му мурад биттур бан харж бан багъну бур ттуршазарахъул совет халкъуннал оьмурду. Кавказнал халкъуннал микку члалачли дурну дур цала виричувшиву талатавурттавугу, мюхчан хъунсса давуртту дуллайгу.

Му ишираву совет солдатътураца

бювхъун бур гитлердул Германиянал куртисса цамур плангу зия дан - СССР-дануцал цала чулух талан Турциягу клунклу баву, Закавказьенавун бувххун.

1942 шинал ноябрьданый гитлеровцынал гьужум буллансса гуж хлура бувккун бур, совет аьралуннал чялишъшивуригуж хъуну дур. Мукунсса иширалгу, Сталинградлачла немецнал аьралуннал гьужум бацлан баврилгу Кавказнавусса немецнал гьужум гьагъан бувну бур.

Ятлул Аьралуннал, талатавуртту дуллай, немецная жула аьрщи тархъан дуллай, 600 километра риртун дур. 1943 шинал инттуни ми бувкун бур Таманнал бачлижазиралу-члан. Микку, «Хъхъинякисса шуттачла» немец цлакъ хъуну бивкун бур. Му шинал ссуттилнин Новороссийск тархъан буллалисса талатавуртту лахьи ларгун дур. Октябьрданул байбихъулий къуртал хъуну дур Таманнал бачлижазиралийсса талатавуртту. Октябьрданул 3-ний 18-мур армиялул тархъан бувну бур Тамань. Октябьрданул 9-нийгу 56-мур армиялул аьралуннал марцл бувну бур фашистурал бачлижазиралул ухсавнил чулухмур бутлагу.

Мукун къуртал хъуну дур Кавказнавусса талатавуртту, СССР-данул «ятлул машина» ххув хъуну. Ми талатавурттаву гьуртту хъусса 700 азара инсан лайкъ хъуну ур «За оборону Кавказа» тлисса медальданун. Ми медаллу дуллун дуссар дяьвиллия зана къабивкиссагу, зана хъуссагу тамансса жула буттахъан ва ттаттахъан. му жула оьрчлан хъамабитан къабучиссар!

А.МахIаммадов.

ОГИБДД

## Бахътта заназимигу - ххуллурдайх бачаврил низамраву гьуртту хъанахъимири

Дайдишавай дур дуккавил цлусса шин. Сентябрьданул 1-ний оьрчлугу гьантиссар школалийн. Гъингил члумал ми члявуми шаппа бивкун буну, школалийн нанини автомобилу зуназисса ххуллийх лахълай вардиш хъусса низам хъамадиртун духъунссар. Махъсса шиннардай тлурча жула шяраваллаву, хаснува Гъумук, автотранспорт чляру хъуну дур.

Жун чай бур нитти-буттангу, оьрчлангу дакниин бутан, кличлираваллийх, хъун ххуллийх лахъан аьркиншиву так ккаккан бувсса клантурдай. Машинарду бачин байминнангу дакниин бутлай буру, ххуллурдайх заназаврил низамрайн бувну, ххуллурдайх лахъан ккаккан бувсса клану хъанахъишиву ххуллурдайх заназаврил низам яла члявуну зия дайсса клану. Хисав ласурча, мукунсса клантурдай водителтурал, низам зия даву бакъасса, члявуну сакин дай авария хъунсса тагьаргу, кув члумал мукунсса тагьар обнийнгу дуккай. мунияту, ахътачув ххуллийх лахъан ккаккан бувсса кланайх машинарду заназаврил низам ххуйну клуну диклан аьркинссар гьарца водителнан.

Ххуллийх бахътта заназаврил

тия чулийн лахъан къанкъасса къадагъа дирхун дуссар.

Хъхъичл диркисса низамрай ахътачувнал дахъа ххуллий ччан бизайхту, водителтурал бурж буссия,



зими лахъайсса клану - му ххуллийх шаругу бувкун, лишанугу дирхун, ккаккан бувсса кланури. Му клану ккаккан бувссар бахъттагьалт ххуллийх тия чулийн лахъан. Ххуллий мукун ккаккан бувсса клану бакъахъурча, мунийх

машинарду бацлан бувну, га итаакьин тамур чулийн. Кутлану учин, водителтал бацлан аьркинссия ахътачув ххуллийх лахъаннин.

2020 шинал дурксса цлусса низамрайн бувну, водител буржлуссар ацлан, ахътачув тротуарданыйва зебра-

лия арх акъа усса члумала. Водителнал мукун къабарча, ахътачувнал дайшишру дуршиврун ккаллиссар. Машинарду заназисса кланттайх тия чулийн лахъан ччисса инсан тлурча, цанна мукунсса къулайшиву дурну дунура, буржлуссар тиху-шихун урган, цанна нигъачлаву дакъашиву члалан биклайхту, яла лахъан ххуллийх.

Клулшивурттал кьини полициялул зузалт ххуллурдайх заназаву нигъачлаву къадиклансса куцуйсса щаллу даврил ялув бацлантиссар школардал чларав, ххуллурдайх лахъайсса клантурдай. Миннал бувчин бантиссар, ххуллийх тлайлану лахъан аьркинсса куц. Умуд бур, нитти-бутталу цала оьрчлан му низам дурчлин даншиврийн.

Хъама битан къааьркинссар, бахътта заназимигу гьуртту хъанахъишиву ххуллурдайх заназаврил низамраву.

Мунишала бувчин бан ччай бур машинарду заназисса ххуллийх велосипедирттай заназаврил масъ-

алагу. Жунма члалачисса куцуй, Гъумук хъун ххуллийх асфалт бавкунни, мунийх велосипедирттай бигълагъисса оьрчлугу чляву хъунни. Миннаяту члявуминнал ххуллурдайх заназаврил низам къадуруччай. Муниин бувну, дакниин бутан чай бур:

Ххуллурдайх бачавриву гьуртту хъанахъимину ккалли байссар - ххуллурдай машина бачин буллалимагу, ахътта заназимагу, транспортрайсса пассажиргу (велосипедгу хъанахъиссар транспорт). Велосипед дачин дурма - транспортрал водител хъанахъиссар, мунияту ххуллурдайх бачавриву гьуртту хъанахъиминугу ккалли айссар. Миннай тахсир хъуну, ххуллурдай оьзру, апатл хъурча, миннайгу дуссар закондалий ккаккан дурсса жаваблувшин!

Тавакъюри нитти-буттахъ - зула оьрчлал ялув бацлияра, ми велосипедирттай машинарду гьарзану заназисса ххуллурдай къабигълан. Миннал велосипедирттай бигълан ххуйсса шартлур шаллу дурну дурхха паркиравугу, спортзалданул хъхъичисса майданнигу.

А.Чавтараев,  
ОГИБДД-лул  
начальникнал кланайма.



**Учредитель:**

Администрация  
МР «Лакский район».  
Учредитель:  
«Лакрал район»  
МР-далул  
администрация

**Главный редактор**

М. М. Мусалаев  
**Ответственный секретарь**  
К. М. Курбанов  
**Корреспондент**  
К. М. Курбанов

**Опер. комп. набора**

Р. И. Джалаева  
**Тех. редактор**  
А. М.-Р. Абакаров

**Адрес редакции, издателя:**

368360, Республика  
Дагестан, Лакский район,  
с. Кумух, ул.  
Сурхайхана-1, 96

Газета набрана и сверстана на компьютерной базе редакции газеты «Заря» и отпечатана в ГАУРД «Издательский дом» «Дагестан»

Адрес:  
г. Махачкала,  
пр. Насрутдинова, 61.

Срок подписания в печать 17.00  
Подписано в 16.00

Газета выходит в неделю 1 раз.  
Тираж 742 экз.  
Цена свободная.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан от 22 августа 2017 г.

Регистрационный ПИ № ТУ05-00385

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов.

**Библиотека**

# Ч1аваминнан - Паччах1лугърал ттугълия

Августрал 22-ний Гъумуксса оьрч1ал библиотекалий, ч1авасса луттирду буккултгу бавт1уну, к1иц1ларгунни Аьрасатнал Федерациялугул Паччах1лугърал ттугърал кьини.



Библиотекалугул заведующий В.Къурбановал бувсуна оьрч1ахь Аьрасатнал паччах1лугърал лишанну: герб, ттугъ ва гимн х1асул хьусса куц.

Аьрасатнал ттугъ ц1акь бувну бур Петр 1-лул заманнай, жула паччах1лугърал флот сакин дурсса ч1умал.

17-мур ттуршукулугул ахирданий ганал амру бувну бивк1ун бур талатавурттаву гьуртту шайсса цалчинсса «Орёл» т1исса жамилий гъаз бан к1яла-н1як1-ят1улсса ттугъ.

Ц1анасса Аьрасатнал ттугъ т1урча ц1акь бувну бур 1991 шинал августрал



22-ний. Оьрч1ахь мунил бувсунни ттугърайсса рангирдал мяъна цукунсса дусарив. к1яласса ранг - му хъанахъиссар бавкъуну, дъя-вирду къабуллай яхъанахъ-аврил, марц1шиврул лишан.

Н1якъсса ранг - ссавнил, дак1 т1айлашиврул лишан. Ят1улсса рангъгу - гужрал, Ватандалухлу бувт1улсса оьттул лишан.

Дуклаки оьрч1ал дурккунна Паччах1лугърал ттугъран

хас дурсса назмурду.

Паччах1лугърал ттугълин хас дурсса бат1авуртту хъунни шяраллавусса библиотекалугул филиаллаву Ккурклив, Ххюлусмав, Хъуририв, Щарав, К1ундив, Шавк1рав.

**«Ч1авалачин»**

## Миллатран хайр бусса журнал

Лакку мазрал аваданшиву ч1алач1и дуллалавриву, жула оьрч1ан му лахъхьин гъира бутавриву агъамсса к1ану бугълай бур оьрч1ан хас бувсса, учительтуралгу мюнпат ласунсса к1ива зуруй цал буккайсса «Ч1авалачин» журналданул.

Ва журналданул ялун личин буллау бур мюрщи оьрч1ал гьунарду, пагъмурду. Муниву зун льякьинт1иссар дуклаки оьрч1ал чирчусса назмурду, хаварду.

Журналданий рищун дурк1исса материаллу х1адур дуллау, дакьин дуллау ур циняв лакран ххуйну к1улсса Дагъусттаннал халкъуннал чичу, лакрал миллатгу, мазгу ххирасса, миллатрал ялун буч1ант1имур баллагисса инсан Мирза Давыдов.

Мирза - ц1а дурксса шаэр, чичу акъасса, гьунар бусса учительгу ушиву ч1алау бур. Цанчирча, ванал редакторшиву дуллалисса журнал бур лакку мазрах, жула ниттил мазрах гъира бутлатисса, ялун нанисса никиртган му лахъхьин бан кумаг буллалисса, оьрч1авугу гьунарду бушиву ч1алач1и буллалисса журнал. Ва журналданийсса оьрч1ал пикрирду, миннал т1ут1имур ккалаккини, бувч1ай, кув ч1умал оьрч1ащал гъалгъа т1ун аьркиншиву хъуниминнащал кунма.

Ттун к1улли, М.Давыдовлун жула миллат ххирашиву. Журнал «Ч1авалачин» ябан, ванийхч1ин жула оьрч1ан ниттил маз лахъхьин бан Мирза цуксса зах1мат бихълай уссаривгу к1улли. Ттун тач1ав къаккавкссар ва игъалаглай. Шавагу, даврийгу ва уссар ца бак1у чагъардащал зий, миннуй чивчумунил ч1иви оьрч1 куна ххари уллау. Оьрч1ал назмурду, хаварду ялун увк1манан ккаккан буллау, ккалай, ххарисса пишгу т1ий, цува оьрч1айн к1ура аяйссар.

Мирза хъунмасса кумаг буллау ур лакку мазрал дарсру дихълай шагъурдайгу, зунттал щархъавугу зузисса учительтуран. Ва ур лакку маз ябуллалисса, ниттил маз лахъхьин оьрч1авун шавкъ рутан бюхълахъисса гьунар ва аькьлу бусса инсан.

«Ч1авалачин» журналданул редакторну М.Давыдов ушиву - му жула миллатран хьусса т1айлабац1ури.

**Д.Магъдиев,**  
райондалул бугъарачувтурал  
Советрал председатель.

**Сделайте шаг к здоровью и долголетию!**

**ПРОЙДИТЕ ДИСПАНСЕРИЗАЦИЮ или ПРОФИЛАКТИЧЕСКИЙ ОСМОТР БЕСПЛАТНО!**

**ЦЕЛЬ: РАННЕЕ ВЫЯВЛЕНИЕ ХРОНИЧЕСКИХ НЕИНФЕКЦИОННЫХ ЗАБОЛЕВАНИЙ И ОСНОВНЫХ ФАКТОРОВ РИСКА ИХ РАЗВИТИЯ.**

**Левашинский филиал ТФОМС РД информирует!**

С 1 августа возобновлено проведение профилактических осмотров и диспансеризации взрослого населения в медицинских организациях республики, которое было приостановлено в период распространения новой коронавирусной инфекции COVID-19. Медорганизации должны будут соблюдать временные методические рекомендации по организации проведения профилактических медицинских осмотров и диспансеризации в условиях сохранения рисков распространения коронавируса, утвержденные Минздравом России.

Напоминаем, что профилактический осмотр можно проходить ежегодно, лица в возрасте от 18 до 39 лет могут проходить углубленный диспансерный осмотр 1 раз в 3 года, старше 40 лет – ежегодно.

Объем проводимых исследований зависит от пола и возраста гражданина, а также от выявленных отклонений или подозрений на те или иные заболевания.

Проведение комплексного обследования здоровья очень важно, так как основная задача проводимых мероприятий заключается в своевременном выявлении хронических неинфекционных заболеваний, приводящих к инвалидности и смерти. Чаще всего это сердечно-сосудистые, онкологические заболевания, хронические болезни легких, сахарный диабет и другие.

Уважаемые граждане! Страховая медицинская организация проводит индивидуальное информирование граждан, запланированных медорганизациями для проведения проф. мероприятий путем рассылки СМС оповещений и почтовых уведомлений. Призываем Вас уделить внимание собственному здоровью и не игнорировать приглашение на профилактический осмотр или диспансеризацию!

Возникли вопросы? Обращайтесь за разъяснениями в страховую медицинскую организацию, номер которой указан на обратной стороне страхового медицинского полиса, или на телефон Контакт-центра по номеру 8-800-222-29-05 (круглосуточно, бесплатно)